

咸豐七年十一月廿日

奏

99



奏為恭謝

天恩事本月十九日內閣奉

上諭德興阿翁同書奏克復瓜洲一摺翁同書贊畫
機宜躬親督隊加恩著賞穿黃馬褂以侍郎候補
等因欽此竊惟瓜洲片壤控引江淮泥蟠久煽
夫妖氛崛起尚稽乎

天討臣子同書韜鈴肄業已及五年戎幕佐籌又逾
一載媿乏提鼓挾經之效方滋老師糜餉之虞
茲者幸奏捷書仰紓

宸廑奮三軍之武怒騰驥共仗夫

皇威蹋五壘以蕩平

方略上承夫

廟算實師臣之協力顧臣子以何功乃蒙

皇上錄其微勞優加

恩命榮膺法服黃中輝映乎鸞鑣

特昇升階丹烟

許依夫

鼇禁凡此

寵榮之溢分非臣夢想所能期惟有勛以小心勉其

嚴翼勸深耕於邗上澤霈祥靈盼送喜於江南

功成指日所願先摧鐵甕耀軍容而永靖烽煙

還期合擣金陵奏愷樂而羣歌簫勺所有警感

激下忱理合繕摺恭謝

天恩伏乞

皇上聖鑒謹

奏

咸豐七年十一月

壬

日



